



24.november 2020

UKA2020/54

Atuarfik pillugu inatsit atuuttup allanngortinneqarnissaanut, taamalu meeqqat atuarianni tamani isumaginninnermut siunnersortimik imaluunniit inummik isumalluutigineqarsinnaasumik minnerpaamik ataatsimik atorfinitsisoqartarlernissaa anguniarlugu siunnersuusiornissaamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Meeqqat pisariaqartitsisut atuariimmuut tunngassuteqanngitsunik ajornartorsiutigisinnaasaminik oqaasinngortitsinissamut, ikiorneqarnissamullu periarfissinneqarnissaat atorfinitsitsinerup qulakkiissavaa. (Inatsisartunut ilaasortaqaq Nivi Olsen, Demokraatit)

Misilittakkat aammalu paasisimasat takutippaat nunatsinni meeqqat kinguaassiuutitigut atornerlunneqarsimasut amerlalluinnartut, taassumalu saniatigut aamma meerarpassuit sumiginnagaaput.

Kisitsit taanna ilisimaarlugu periutsit tamaasa periusersinnaasavut ingerlarsortinneqartariaqarput qulakkeerniarlugu ajornartorsiutaasut qaangerniarnerini.

Suliniutit pinaveersaartitsinerillu ingerlassapput aammalu siunissaq ungasinnerusoq isigalugulu periusissiat imaaginnavissuuserisaaqarput inuiaqatigiinni inissisimaneq, iliuutsit, paasinnittarnerit aammalu akuersaannginnerup tamanit peqataaffigilernissaata tungaanut. Qujasarpunga inatsisartoqarlutalu naalakkersuisoqaratta ajornartorsiutit taama ittut qaangerniarlugit assoroortunik.

Sulilu assoroqaat meeqqat atuarianni ilinniartisisut, sulisut oqartussaasullu. Atuartitsiniarnermi aporfippassuit amerlalluinnartut aporfigineqartarput. Ilinniarsinnaanermut, tusarnaarsinnaanermut, paasissutissanik iijoraasinnaanermut aammalu tunniusimasinnaanermut aporfiit annersarisinnaasai tassaapput meeqqap angerlarsimaffimmini tujormisimanerminit pissutsit eqqarsaataani inituallaarsinnaammata.

Putoqqaattoqarsimasinnaavoq imigassamik atuisunik, akerleriittoqarsimasinnaavoq, kanngutsaat-tuliorsimasoqarsinnaavoq aammalu allarpassuusinnaapput meeqqamut annertuumik nanertuutaasunik.

Meerannguit oqaloqatissaaleqinermik ersiuteqartarput tusaqqusarlutillu arlaatigut tupannartuliorlutik, naalannigilerlutik, ataqqinnissutsikkut innarlerneqarlutik, nipaarlunngorlutik allatigullu takusutissatigut ersiuteqartarput.

Nunatta Qitornai

Inatsisartuni



Annerpaartaatigut isumaqarpugut atuarfimmi orniguffissaqarfimmini, oqaloqatissaqarfimmini aammalu ikiortigineqarsinnaasup qanittumiinnerata kinguneratigut ajornartorsiut annertusi-artuinnannginnerani meeraanerani siusissumik iliuseqarnertut taaneqartumik iliuseqarfigneqas-saaq.

Siunnersuuteqartup tunngavilersuutaa tamakkiisumik paasilluarlugit taperserpavut.

Piffinni socialr dgiverinik peqarpoq, piffiilli ilaanni soqarani. Nalaattornerinnarmik tunnga-veqartumik meeqqat ilai tusaaneqartarput ilaali tusaaneqaratik.

Soorunami anaanap ataatallu oqartussaaffii suliassaalu arsaarinnissutaanngisaannassapput, kisan-nili oqartussaaffimminnik kivitsisinnaanngiffianni allatut aqutissiuussinikkut meeqqamut eqqor-neqarnerluutit pinngitsoortissinnaavagut, uanilu siunnersuuteqartup inummik isumalluuteqarsin-naaneq tikkuarmagu assorsuaq ilassilluarparput. Anguniagassittassuugut anguneqarsinnaasunik. Ilinniarsimassutsikkut qaffasissumik piumasaqaateqarnerup atorfiit inulernerqanngitsoortartut amerlapput, uanilu meeqqat ajorsartunngortinneqartarput.

Meeqqamut inuk tatigisinnaasaq oqaloqatigisinnaasarlu pingaarneruvoq apeqqutigiunnaangim-magu qanoq ilinniagaqarsimanersoq, kisiannili oqaloqatiginnillaqqissoq tusarnaarsinnaasorlu pisari-aqartippaa. Kingorna sulisut taassuma nalilerpagu allamut innersuunneqartariaqarneranik tamanna pisinnaareerpoq.

Siunnersuuteqartup siunnersuutaa taama isikkoqartillugu tamakkiisumik taperserparput, suliallu in-gerlaqqinnerani naalakkersuisut pisussaaffigereerpaat kommunit qanimut suleqatigissallugit inger-laqqeriarfimmi.

Ilinniartitaanermut ataatsimiititaliamut siunnersuut ingerlateqqipparput.